

ՀԱՅԱՍՏԱՆԻ ԿՈՄՈՒՆԻՍՏԱԿԱՆ ՊԱՐՏԻԱՅԻ
ԿԱԶՄԱՎՈՐՈՒՄԸ
ԵՎ ՍՈՎԵՏԱԿԱՆ ԻՇԽԱՆՈՒԹՅԱՆ ՀԱՂԹԱՆԱԿԸ
ՀԱՅԱՍՏԱՆՈՒՄ

Գ. Բ. ՂԱՐԻԲՋԱՆՅԱՆ

Լրացավ Հայաստանի Կոմունիստական պարտիայի կազմավորման և Հայաստանում Սովետական իշխանության հաղթանակի քառասուն տարին: Հայաստանի աշխատավորությունը ՍՍՌՄ ժողովուրդների մեծ ընտանիքում անհուն խանդավառությամբ, քաղաքական և աշխատանքային բուռն վերելքի պայմաններում դիմավորեց միմյանց հետ սերտորեն կապված այդ պատմական իրադարձությունները, որոնց շնորհիվ ապահովվեց հայ ժողովրդի ազգային փերածնունդը:

Սովետական Հայաստանը Հոկտեմբերյան սոցիալիստական Մեծ ռևոլյուցիայի ծնունդն է, նրա զավակը: Միայն Մեծ Հոկտեմբերը, հանճարեղ Լենինի ստեղծած Սովետական Միության Կոմունիստական պարտիայի իմաստուն ազգային քաղաքականությունը հնարավոր դարձրին հայ ժողովրդի բազմադարյան ազատագրական պայքարի հաղթանակը: Հիանալի է ասել հայ ժողովրդի մեծ զավակ, Վ. Ի. Լենինի հավատարիմ աշակերտ Ալ. Մյասնիկյանը. «Սովետական օրինետաղիա՞ն լավագույնն է բոլոր օրինետաղիաների մեջ: Այդ մեծ քսովորեցինք Կոմունիստների պարտիայի շնորհիվ»¹:

Ահա թե ինչու Հայաստանի աշխատավորները, ամփոփելով իրենց հերոսական պայքարի ու աշխատանքի հոյակապ արդյունքները, երախտազատության առաջին խոսքն ուղղում են Կոմունիստական պարտիային ու Սովետական կառավարությանը:

* * *

Հայաստանի նախասովետական շրջանի ամբողջ պատմությունը հայ բազմաշարժար ժողովրդի հերոսական պայքարի պատմությունն է ընդդեմ ներքին կեղեքիչների և օտարերկրյա նվաճողների, հանուն ազգային ազատագրության ու անկախության: Հայաստանի հողը առատորեն ներկվել է այդ պայքարի անձնվեր հերոսների արյամբ: Հայաստանի աշխատավորները կոփվում էին այդ անհամար մարտերի բովում: Նրանք փրկության ճիշտ ելք էին որոնում: XVII—XVIII դարերից հայ ժողովրդի ազատագրական պայքարը սերտորեն կապվում է Ռուսաստանի հետ: Նրա լավագույն զավակները

¹ Ալ. Մյասնիկյան, Լենինը երկեր, Հայպետհրատ, 1957, էջ 419:

կողմնորոշվում են դեպի Ռուսաստան: Այդ պայքարի ճանապարհին պատմական կարևոր նշանակություն ունեցող իրադարձություն էր Արևելյան Հայաստանի միացումը Ռուսաստանին (1828), որով հայ ժողովրդի մի զգալի հատվածը ազատվեց պարսկական ու թուրքական հետամնաց ֆեոդալական կարգերի տիրապետությունից և կապվեց տնտեսապես ու կուլտուրապես անհամեմատ ավելի առաջավոր, կապիտալիստական զարգացման ուղիով ընթացող և ամենաառաջավոր դեմոկրատական կուլտուրա ունեցող երկրի հետ: Պատմական այդ ակտը մեծ նշանակություն ունեցավ հայ ժողովրդի ճակատագրի համար: Ազատվելով ֆիդիկական բնաջնջման սպառնալիքից հալածիչ թափանքից, ընդմիջող կապից ռուս մեծ ժողովրդի ռեոլյուցիոն պայքարի հետ: Հայ ժողովուրդը ցնծությամբ ընդունեց Արևելյան Հայաստանի միացումը Ռուսաստանին: Հայ ժողովրդի լավագույն զավակները քաջ գիտակցել են, որ Հայաստանի տնտեսական, քաղաքական և կուլտուրական հետագա զարգացումը սերտորեն կապված է առաջավոր Ռուսաստանի հետ: «Ռուս անունը պետք է մեզ համար լինի սուրբ, ինչպես նրա արյունը, որով մենք ազատվել ենք ընդմիջում», — ասել է հայ մեծ գրող ու լուսավորիչ Խաչատուր Աբովյանը: Հանձարեղ բանաստեղծ Հովհաննես Բումաճյանը գրել է, որ պատմության ուղիղ ընթացքը, մեր ապագան «կապված է Ռուսաստանի հետ, իսկ Ռուսաստանին ինչքան ազատ — էնքան լավ, թե մեզ համար, թե աշխարհքի»¹:

Սակայն Արևելյան Հայաստանի միացումը Ռուսաստանին բնավ չլուծեց և չէր կարող լուծել հայ ժողովրդի ազատության ու անկախության հարցը: Այն միայն նախապայմաններ և պատմական միջավայր ստեղծեց այդ հարցի լուծման համար: Ռուս ժողովուրդը ինքն այն ժամանակ զուրկ էր ազատությանից, նա գտնվում էր ցարերի, ազնվականության, կալվածատերերի ու բուրժուազիայի ծանր լծի տակ: Նրա ազատագրության համար պայքարող մարտիկները ենթարկվում էին դաժան հալածանքների: Ել ավելի ծանր էր Ռուսաստանի կայսրության մեջ ապրող բազմաթիվ ժողովուրդների վիճակը:

Ցարիզմը բոլոր միջոցներով դաժանորեն արգելափակում էր ինչպես մյուս ժողովուրդների, այնպես էլ հայ բազմադարյան ժողովրդի, կուլտուրական զարգացումը, հետապնդում էր նրա մայրենի լեզուն, գրականությունը, մամուլը, փակում էր հայկական դպրոցները, բացահայտորեն տառնում էր բռնի ուսուցման քաղաքականություն:

Այսպիսի պայմաններում հայ ժողովրդի ազգային ու սոցիալական ազատագրությունը հնարավոր կլիներ միայն ռուսական ցարիզմի տապալման միջոցով: Ռեոլյուցիոն-ազատագրական պայքարի այս միակ ճիշտ ուղին ինչպես մյուս ճնշված ժողովուրդներին, այնպես էլ հայ բազմադարյան ժողովրդի գին ցույց տվեց մարքսիզմ-լենինիզմը, պրոլետարիատի մեծ առաջնորդ Վ. Ի. Լենինը: Լենինյան դառն էր, որ լիակատար ազատություն բերեց Հայաստանի աշխատավորությանը:

Հայ ժողովրդի պատմական բախտը բանաստեղծներն լավ է պատկերել մեծ գրող Եղիշե Չարենցը հետևյալ տողերում.

Դարեր շարունակ, ժողովուրդ դու իմ,
Տեսել ես միայն փորձանք ու աղետ:

¹ «Իրվան Խաչատուր Աբովյանի», հատ. 2, Երևան, 1948, էջ 158:

² Հովհ. Թումանյան, Երկերի ժողովածու, հատ. 3, Երևան, 1945, էջ 451:

Կարգում ենք միայն գրքերում քո հին
Վեպեր թախծության, տիրության տաղեր:
Դառնություններից երթր գժվարին
Գալիս է հասնում լենինյան դարին¹:

XX դարի սկզբին Ռուսաստանը դառնում է համաշխարհային ռևոլյուցիոն շարժման կենտրոնը, լենինիզմի հայրենիքը, նոր տիպի պարտիայի բոլշևիկյան պարտիայի հայրենիքը: Ազգային հարցում Կոմունիստական պարտիայի լենինյան քաղաքականությունը դառնում է մի հզոր զենք պրոլետարիատի զիջատությունների համար մղված պայքարում: Կոմունիստական պարտիան, նրա ստեղծող ու առաջնորդ Վ. Ի. Լենինը ղեկավարելով Ռուսաստանի բոլոր ճնշված ժողովուրդներին, այդ թվում նաև Հայաստանի աշխատավարձյան ազատության ու անկախության համար մղվող հերոսական պայքարը, ճիշտ ուղղություն են տալիս նրան և հասցնում կատարյալ հաղթանակի:

Մարքսիստական լենինյան գաղափարները հայ իրականության մեջ և Հայաստանում սկսել են տարածվել XIX դարի վերջից: Այդ ժամանակաշրջանում Ռուսաստանում զարգացող կապիտալիզմի ազդեցությամբ զարգացման նոր հունի մեջ են մտնում նաև Անդրկովկասն ու Հայաստանը: Այստեղ առաջանում են արդյունաբերական ու պրոլետարական կենտրոններ, որոնցից ամենախոշորը Բաքուն էր՝ բանվոր դասակարգի բազմազգ կազմով:

Հայաստանի բանվոր դասակարգը թեև սակավաթիվ էր և թույլ՝ կապիտալիզմի պակաս զարգացման պատճառով, սակայն կապված էր Բաքվի, Միֆլիսի, Բաթումի և Անդրկովկասի այլ վայրերի առաջավոր բանվորների հետ, կրում էր նրանց քաղաքական բարերար ազդեցությունը: Անդրկովկասում զարգացող բանվորական շարժումը Ռուսաստանի ամենառեոլյուցիոն պրոլետարիատի հերոսական պայքարի մի անխզելի, բաղկացուցիչ մասն էր: Հայ բանվորները հենց սկզբից դաստիարակվել են պրոլետարական ինտերնացիոնալիզմի սկզբունքներով, կոդք-կոդքի աշխատել ու ընդհանուր թշնամիների դեմ պայքարել են ռուս, վրացի, ադրբեջանցի և Անդրկովկասում բնակվող այլ ազգությունների բանվորների հետ միասին, կազմել են դասակարգային պայքարի մեկ, միասնական բնտանիք: Հայաստանում ռևոլյուցիայի զարգացման գործում ականավոր դեր են խաղացել ռուս ժողովրդի ռևոլյուցիոն զավակները:

Մենք հպարտությամբ ենք նշում, որ Անդրկովկասի բազմազգ բանվոր դասակարգի ռևոլյուցիոն-ազատագրական պայքարը հենց սկզբից զլխավորել է ռուս և համաշխարհային պրոլետարիատի մեծ ուսուցիչ և առաջնորդ Վ. Ի. Լենինը, որ մեր տեղական ռևոլյուցիոն մարքսիստական, բոլշևիկյան խմբերն ու կազմակերպությունները միշտ եղել և մնում են լենինյան պարտիայի անխզելի, բաղկացուցիչ մասերը:

Վ. Բ. Լենինի ստեղծած ու ղեկավարած Պետերբուրգի «Բանվոր դասակարգի ազատագրության պայքարի միությունը» և Պետերբուրգի, Մոսկվայի ու Ռուսաստանի այլ առաջատար կենտրոնների մարքսիստական կազմակերպությունները օրինակ են ծառայել Անդրկովկասի պարտիական կազմակերպությունների համար: Հենց սկզբից լենինյան գվարդիայի ականավոր գոր-

¹ Ե գ ի չ է Հ ա ր Ե ն ց, Ը ն ա ի ր Է ր Կ Ե ր, Ե ր Ե ա ն, 1935, էջ 277:

ձիւներն թվում են եղել Անդրկովկասի ժողովուրդների հավատարիմ զավակներ Վ. Կեցիտովին, Ի. Լալայանցը, Բ. Կնունյանցը, Ի. Ստալինը, Մ. Յիսակյանը, Ստ. Շահումյանը, Ս. Ծուրուկիձեն, Ս. Սպանդարյանը, Մ. Աղիզբեկովը և ուրիշները։ Լենինյան «Բոկրա»-ի հրատարակությունից անմիջապես հետո Անդրկովկասի ռեուլյուցիոն սոցիալ-դեմոկրատները ամբողջովին կանգնում են նրա դիրքերի վրա և վճռական պայքար ծավալում լենինյան-խակրայական կազմակերպությունների ստեղծման ու ամրապնդման, բանվորների և գյուղացիների ռեուլյուցիոն շարժման վերելքը ղեկավարելու համար։ Հայ ժողովրդի շատ ռեուլյուցիոն զավակներ իրենց մկրտությունը ստացել են Պետերբուրգի, Մոսկվայի, Կազանի, Կիևի, Դոնի Ռոստովի, Խարկովի և Ռուսաստանի այլ կենտրոնների առաջավոր բանվորների, սոցիալ-դեմոկրատների շարքերում, աշխատել ու պայքարել են մեծ Լենինի հետ միասին և նրա ղեկավարությամբ։

1897—1901 թթ. ստեղծվում են ՌՄԴԲՊ Թիֆլիսի, Բաքվի և Բաթումի կազմակերպությունները, որոնք իրենց մեջ բնդգրկելով վրացի, հայ, ռուս, ադրբեջանցի և այլ ազգերի ռեուլյուցիոն գործիչներին, մեծ դեր են կատարում նաև հայ աշխատավորության դասակարգային պայքարը կազմակերպելու գործում, օգնում Հայաստանում ևս ստեղծելու սոցիալ-դեմոկրատական խումբակներ, կազմակերպություններ։ Այդ նույն շրջանին է վերաբերում Հայաստանի առաջավոր բանվորների ծանոթությունը Վ. Ի. Լենինի աշխատություններին¹։

1902 թ. կեսերին ՌՄԴԲՊ Թիֆլիսի և Բաքվի կոմիտեների օգնությամբ Ստ. Շահումյանը, Բ. Կնունյանցը, Ա. Զուրարյանը, Ա. Խումարյանը և մյուս հայ լենինյան-խակրայականները Թիֆլիսում ստեղծում են «Հայ սոցիալ-դեմոկրատների միությունը», որը նույն թվականի հոկտեմբերին հրատարակում է լենինյան-խակրայական ուղղության առաջին հայերեն թերթը՝ «Պրոլետարիատ» անունով։ «Պրոլետարիատ»-ի առաջին համարում որպես առաջնորդող տպագրվել էր Հայ սոցիալ-դեմոկրատների միության «Մանիֆեստը», որում ասված էր. «Մեր «Միությունը» Ռուսիայի ամեն ծայրերում յուր ցանցերը լայն տարածող «Ռուսիայի սոցիալ-դեմոկրատական բանվորական կուսակցության» ճյուղերից մեկը լինելով, միանգամայն համերաշխ է նրա հետ և նրա հետ միասին կռվելու է հանուն Ռուսիայի պրոլետարիատի շահերի բնդհանրապես, և հայկականի—մասնավորապես»²։

Վ. Ի. Լենինը բազմիցս ուրախությամբ նշել է Անդրկովկասի ռեուլյուցիոն մարքսիստների անձնվեր և պարտիայի համար կարևոր գործունեությունը, նրանք հավատարմությունը պրոլետարական ինտերնացիոնալիզմի սկզբունքներին, մեծ օգնություն է ցույց տվել նրանց։ «Մեղ մոտ և Կովկասում,— գրել է Վ. Ի. Լենինը 1913 թ.,— ս.-դ. վրացիները + հայերը + թաթարները + ռուսները աշխատում էին միասին առար տարուց ալիլի միասնական ս.-դ. կազմակերպության մեջ։ Այդ ֆրազ չէ, այլ ազգային հարցի պրոլետարական լուծում, Միակ լուծումը»³։

¹ ՌՄԿՊ Կենտկոմին կից Մարքսիզմ-լենինիզմի ինստիտուտի Հայկական ֆիլիալի դրադարանում խնամքով պահվում է Վ. Ի. Լենինի «Տնտեսական էություններ և հոգվածներ» գրքի առաջին հրատարակությունը (1898), որը ղեռնա տյն ժամանակ ուսումնասիրել են Ալավերդու առաջավոր բանվորները։

² «Պրոլետարիատ», 1902, № 1։

³ Վ. Ի. Լենին, Երկեր, հ. 35, էջ 79։

«Իսկրա»-ի 1903 թ. փետրվարի 1-ի համարում Վ. Ի. Լենինը հրապարակում է իր «Հայ սոցիալ-դեմոկրատների «Մանիֆեստի» մասին» նշանավոր հոդվածը, որում հանգամանորեն քննարկում է «Պրոլետարիատ»-ի առաջին համարի նյութերը, «Միություն» Մանիֆեստը, ողջունում և ուղղություն է տալիս հայ իսկրայականների զործոճեցությանը: «Մենք ամբողջ հոգով ողջունում ենք Հայ սոցիալ-դեմոկրատների Մանիֆեստը,— գրում է Վ. Ի. Լենինը,— և մանավանդ ազդաշին հարցի ճիշտ դրվածքը տալու նրա ուշադրավ փորձը»¹: Վ. Ի. Լենինը մշակելով Կոմունիստական պարտիայի թեորիան ու տակտիկան ազդաշին հարցում, անդադրում հոգ էր տանում պրոլետարական ինտերնացիոնալիզմի հետևողական կիրառման մասին: «Մարքսիստները,— գրել է Վ. Ի. Լենինը 1913 թ. «Դարձյալ դպրոցական դործն քստ ազգությունների բաժանելու մասին» հոդվածում,— վճռական պայքար են մղում նացիոնալիզմի բոլոր ձևերի դեմ, սկսած մեր իշխող շրջանների և աջ-օկտյարիստական պարտիաների ռեակցիոն, բիրտ նացիոնալիզմից մինչև բուրժուական կամ մանր-բուրժուական պարտիաների ավել կամ պակաս նրբին ու սքողված նացիոնալիզմը»²:

Հայ դաշնակցականները, վրացական նացիոնալ-ֆեդերալիստները, ադրբեջանական պանիսլամիստները և այլ բիրտ, նրբին ու սքողված նացիոնալիստներն Անդրկովկասում եղել են ռեոլյուցիոն շարժման ամենատխերիմ խնամիրները: Նրանք ամեն կերպ ձգտում էին անջատել իրարից հայ, ռուս, վրացի, ադրբեջանցի բանվորներին, աշխատավորությունը, կտրել նրանց ռուս պրոլետարիատի ռեոլյուցիոն պայքարից և զրանով իսկ կազմալուծել այդ պայքարը: Մերկացնելով «Դաշնակցություն» պարտիայի կոնտրռեոլյուցիոն վարքագիծը, Ստ. Շահումյանը 1906 թ. գրել է. «...այդ պարտիան իր բոլոր ուժերով պայքարել է հայ պրոլետարիատի և Կովկասի հայ ռեոլյուցիոն ինտելիգենցիայի բոլոր փորձերի դեմ՝ պայքարելու ընդդեմ բուրժուազիայի և ընդդեմ կառավարության...»³:

Կատարելով Վ. Ի. Լենինի ցուցումները, որը բազմիցս ամենայն խստություններով մերկացրել է Անդրկովկասի բուրժուական ու մանրբուրժուական նացիոնալիստական պարտիաներին ու խմբերին, Անդրկովկասի բոլշևիկները անհաշտ պայքար են մղել նրանց դեմ: Այդ պայքարում են աճել ու կոփվել անդրկովկասյան մարքսիստները, նրանց ռեոլյուցիոն կազմակերպությունները:

1903 թ. մարտին Կովկասյան սոցիալ-դեմոկրատական բանվորական կազմակերպությունների առաջին համագումարում ընտրվում է ՌՄԴԲՊ Կովկասյան Միությունական Կոմիտե, ամբողջ Կովկասի համար ընդհանուր պարտիական կենտրոն, որն իր աշխատանքներում հետևողականորեն ղեկավարվում է պրոլետարական ինտերնացիոնալիզմի լենինյան սկզբունքներով: Կովկասյան Միությունական Կոմիտեն հրատարակում էր «Պրոլետարիատի կոիլը» թերթը վրացերեն, հայերեն, ռուսերեն լեզուներով, նրա ղեկավարությամբ ստեղծվում և ամրապնդվում են Երևանի, Ալեքսանդրոպոլի, Հաղպատի, Ալավերդու, Կարսի, Սարիղամիշի և այլ պարտիական կազմակերպություններ, որոնք իրենց համարում էին ՌՄԴԲՊ Կովկասյան Միության տեղական խմբերը⁴:

¹ Վ. Ի. Լենին. Երկեր, հ. 6, էջ 411:

² Նույն տեղում, հ. 19, էջ 686:

³ Ստ. Շահումյան, Երկեր, հ. 1, Երևան, 1955, էջ 282—283:

կազմակերպորեն ենթարկվում էին ֆրանսիացի Պարտիայի երկրորդ համագումարից հետո, որտեղ Վ. Ի. Լենինի ղեկավարությամբ մենչևիկների դեմ մղված անհաջող պայքարում առաջացավ նոր տիպի բոլշևիկյան պարտիան, Անդրկովկասի լենինյան-իսկրայական կազմակերպությունները կանգնում են բոլշևիկյան դիրքերում և խոշոր աշխատանք ծավալում իրենց կազմակերպությունների ամրասրնղման, աճող ռեպուտացիան շարժումների ղեկավարման ուղղությամբ:

Պարտիայի մեծ առաջնորդ Վ. Ի. Լենինը իր վիճակագրի գործունեության բոլոր էտապներում անգնահատելի օգնություն էր կազմակերպում Կովկասի բոլշևիկներին, ղեկավար ցուցումներ էր տալիս, նամակագրական և կենդանի կապ պահպանում ֆրանց հետ: Վ. Ի. Լենինի նախաձեռնությամբ և ղեկավարությամբ 1903 թ. վերջին ժնեում, ՌՍԴԲՊ Կենտկոմին կից ստեղծվում է հայերեն և վրացերեն լեզուներով սոցիալ-դեմոկրատական գրականության հրատարակության հանձնաժողով, որն իրականացնում է Մարքսի, Էնգելսի, Լենինի մի շարք աշխատությունների Կովկասյան ժողովուրդների լեզուներով թարգմանության, հրատարակության և տարածման գործը:

Դեռևս 1904 թ. հոկտեմբերին «Նրևանից (հայ իրականությունից)» հոդվածում Ստ. Շահումյանը ուրախությամբ գրում էր. «Հայկական շատ գյուղերում արդեն կան գյուղական երիտասարդության կազմակերպություններ, որոնք կապված են մեր կոմիտեների հետ, ստանում են մեր գրականությունը և լարված ուղադրությամբ հետևում են հայ և ալյազգի բանվորների հերոսական պայքարին: Այս պայքարը, — ավելացնենք վերջում, — արդեն բազմաթիվ փայլուն հաղթանակներ է տարել. նա հաղթանակ կտանի նաև այժմ մոլեգնող, սիրտ կտրատող հայկական ռևակցիայի դեմ»:

Ռուսական առաջին ռեպուտացիայի տարիներին Հայաստանի բոլշևիկները լենինյան ցուցումների հիման վրա կազմակերպում և ղեկավարում են բանվորների, գյուղացիների և զինվորների պայքարը ցարական ինքնակալության տապալման և պրոլետարիատի ու գյուղացիության ռեպուտացիոն դեմոկրատական դիկտատուրայի նվաճման համար: 1906—1907 թթ. պարտիայի IV և V համագումարներին Հայաստանի բոլշևիկները ուղարկել էին իրենց պատգամավորներին՝ Ստ. Շահումյանին, Մ. Յիսակայային, Գ. Սոկոլովսկուն, Ա. Կախոյանին, որոնք զննելով Ստոկհոլմ և Լոնդոն հանդիպումներ են ունենում Վ. Ի. Լենինի հետ, պաշտպանում լենինյան դիրքորոշումները: 1907 թ. հունվարին լենինյան «Պրոլետարիատ» թերթը նշում էր սոցիալ-դեմոկրատական աշխատանքի շատ արագ աճ: Նրևանում, Ալեքսանդրոպոլում, Կարսում և Նիզավնետպոլում, բոլշևիկների հաջող աշխատանքը բուրժուական նախնալիզմի, դաշնակցության դեմ մղվող պայքարում, աշխատավոր մասսաներին ինտերնացիոնալիստական ոգով դաստիարակելու գործում:

Ցարական իշխանությունների դաժանությունները, բուրժուազիայի և նրա նախնալիստական պարտիաների ռևակցիոն ոտնձգություններն անդոր գտնելովին բոլշևիզմի աճող ազդեցության դեմ: Մասսաները աստիճանաբար հեռանում էին կոնտրոլուցիոն պարտիաներից և համախմբվում իրենց շահերի միակ ու հետևողական պաշտպանի՝ բոլշևիկյան սպարտիայի շուրջը, կանգնում

¹ Ստ. Շահումյան, Երկեր, հ. 1, Երևան, 1953, էջ 52:

² Տե՛ս «Պրոլետարի», 1907, № 12:

էին նրա չենինյան դրոշի տակ: Ռեակցիայի ծանր տարիներին, արտահայտելով Կովկասի բոլշևիկների հաստատ համոզմունքը, Ստ. Շահումյանը գրում էր. «Մենք հաստատ համոզված ենք Խլչիչի գիրքավորման ճշտությանը»¹:

Իմպերիալիստական պատերազմի նախօրյակին, երբ աճող նացիոնալիզմն ու շովինիզմը սպառնում էին վարակել բանվոր դասակարգի և գյուղացիության հետամնաց մասին, Անդրկովկասի բոլշևիկները, նրանց ղեկավարներ Ի. Ստալինը, Ստ. Շահումյանը և ուրիշներ հետևողականորեն հանգես եկան Կոմունիստական պարտիայի լենինյան ազգային ծրագրի փայլուն պաշտպանությանը, հիմնավորմամբ և պրոպագանդայով: Վ. Ի. Լենինը բարձր էր գնահատում ազգային հարցում Անդրկովկասի բոլշևիկների տեսական ու պրակտիկ բեղմնավոր դործունեությունը և աշխույժ նամակագրության մեջ էր նրանց հետ: Ազգային հարցի վերաբերյալ Վ. Ի. Լենինի և Ս. Շ. Շահումյանի նամակագրությունը, Ի. Վ. Ստալինի «Մարքսիզմը և ազգային հարցը» աշխատությունը, Ստ. Շահումյանի «Ազգային կուլտուրական ավտոնոմիայի մասին» բրոշյուրը կարևորագույն ավանդ են մարքսիստական դրականության գանձությանում, պարտիայի տեսական ժառանգության մեջ:

Զինված սոցիալիստական ռեոլյուցիայի լենինյան թեորիայով, Անդրկովկասի և Հայաստանի բոլշևիկները իմպերիալիստական պատերազմի գրգռվարին տարիներին մինչև վերջը հավատարիմ մնացին սոցիալիզմի և ինտերնացիոնալիզմի դրոշին: 1915 թ. հոկտեմբերի 1-ին Վ. Ի. Լենինին և Ն. Կ. Կրուպսկայային ուղղված նամակում Ստ. Շահումյանը վստահեցնում էր պարտիայի առաջնորդին, որ Կովկասի բոլշևիկները հաստատ կանգնած լինելով ինտերնացիոնալիստական դիրքերում, բարձր են պահում բոլշևիկյան գրոշը: «...եւ և մեր բոլոր ազգականները [բոլշևիկները] բարձր ենք պահում մեր րնտանեկան [բոլշևիկյան պարտիայի] դրոշակը... դուք կարող եք մեր ռեպուտացիայի համար հանգիստ լինել»²:

Պրոլետարական ինտերնացիոնալիզմի դրոշով, ոուս ռեոլյուցիոն պրոլետարիատի եղբայրական օգնությամբ, Հայաստանի բանվորներն ու գյուղացիները, Հոկտեմբերյան սոցիալիստական Մեծ ռեոլյուցիայի նախապատրաստման և իրագործման ժամանակաշրջանում բոլշևիկյան պարտիայի ղեկավարությամբ, Վ. Ի. Լենինի առաջնորդությամբ վճռական պայքարի դուրս եկան Սովետական իշխանության համար: 1917 թ. հոկտեմբերին տեղի ունեցավ Կովկասի բոլշևիկյան կազմակերպությունների առաջին համագումարը, որն ընթացավ Վ. Ի. Լենինի ցուցումներին, պարտիայի VI համագումարի որոշումներին լիովին համապատասխան: Համագումարը հսկայական նշանակություն ունեցավ Ադրբեջանում, Վրաստանում և Հայաստանում ռեոլյուցիոն ուժերի հետագա մոբիլիզացման, պարտիական կազմակերպությունների ամրապնդման համար:

1917 թ. հոկտեմբերի 25-ին (նոյեմբերի 7-ին) մեծ Լենինի ղեկավարած Կոմունիստական պարտիայի ղեկավարությամբ Ռուսաստանում հաղթանակած սոցիալիստական ռեոլյուցիան մարդկության պատմության մեջ բացեց

¹ Ստ. Շահումյան, Երկեր, հ. 2, Երևան, 1957, էջ 40:

² Նույն տեղում, էջ 349:

և որ դարագլուխ՝ սոցիալիզմի և կոմունիզմի դարագլուխը: Անդրկովկասի ժողովուրդները հսկայական խանդավառությամբ ընդունեցին սոցիալիստական ռևոլյուցիան, որի անմիջական ազդեցությամբ Անդրկովկասում ստեղծվեցին բարենպաստ պայմաններ Սովետական իշխանության հաստատման համար:

Բաքուն դարձավ Սովետական իշխանության միջնաբերդը Անդրկովկասում. այստեղ ստեղծվեց Բաքվի հերոսական կոմունան, ժողովրդական կոմիսարների Սովետ Ստ. Շահումյանի ղեկավարությամբ: Սովետի կազմում մտան Անդրկովկասի ժողովուրդների հավատարիմ զավակներ, աննկուն լենինյաններ Ա. Զափարիձեն, Ի. Ֆիոլետովը, Մ. Ազիզբեկովը և ուրիշներ: Սովետական իշխանության համար ակտիվ պայքարի դուրս եկան նաև Հայաստանի բանվորներն ու գյուղացիները: Սակայն Ադրբեջանի, Վրաստանի և Հայաստանի ռեակցիոն ուժերը, բուրժուա-նացիոնալիստական պարտիաները՝ մուսավաթականները, դաշնակները, մենշևիկները, էսենները միավորելով իրենց ջանքերը բացարձակ թշնամական դիրք բռնեցին Հոկտեմբերյան ռևոլյուցիայի հանդեպ: Օտարերկրյա իմպերիալիստների հովանավորությամբ նրանք րստեղծեցին կոնտրռևոլյուցիոն իշխանության իրենց օրգանները և կատաղի պայքար մղեցին Սովետական իշխանության դեմ. հակառակ ժողովրդական մասսաների կամքի նրանք Անդրկովկասն անջատեցին Սովետական Ռուսաստանից: Հակասովետական բլոկի այս կոնտրռևոլյուցիոն քայլը պայքարի սոր ալիք բարձրացրեց բանվորների, զինվորների և գյուղացիների մեջ, որոնք իրենց փրկությունը տեսնում էին Սովետական իշխանության մեջ: «Ինչպես Անդրկովկասում, այնպես էլ բոլոր ռուսական քաղաքներում, որտեղ հայ բրնակչություն կա, — ասված է Ազգությունների Գործերի Ժողովրդական Կոմիսարիատին ուղղված մի զեկուցագրում, — կազմակերպվում են ժողովներ, միտինգներ՝ բողոքելով ընդդեմ Հայաստանի Սովետական Ռուսաստանից անջատելու, ընդդեմ գերմանա-թուրքական նվաճողների և նրանց կամակատար դաշնակների»¹: Բոլշևիկյան «Պրավդա»-ն 1918 թ. մայիսին նշում էր, որ Անդրկովկասի «անկախությունը» հայտարարող և գերմանական իմպերիալիզմին օգնության կանչող սեյմի դեմ բորբոքվում է համաժողովրդական շարժման հզոր բոցը. «Հայկական քաղաքներն ու գյուղերը ավելի մեծ համառությամբ հանրաքվե են պահանջում, պնդելով, որ իրենց ղեկավարները հեռանան սեյմից»²:

Ոգտվելով Անդրկովկասի «անկախությունից», օտարերկրյա իմպերիալիստները, գերմանա-թուրքական զավթիչները շարունակում են գրավել ու ավերել Հայաստանի, Վրաստանի ու Ադրբեջանի քաղաքներն ու գյուղերը, կոտորել բնակչությանը: Մերկացնելով իմպերիալիստական բարբարոսներին և Անդրկովկասի կոնտրռևոլյուցիոն իշխանությունների «անկախության» քաղաքականությունը, Վ. Ի. Լենինը 1918 թ. մայիսին ասել է, որ գերմանական ու թուրքական զավթիչներին «հնարավոր էր առաջ շարժվել ու առաջ շարժվել. ոչ մի բանի չպատասխանելով, ոչ մի բանի ուշադրություն չդարձնելով, հայտարարելով՝ մենք կվերցնենք այն, ինչ կկարողանանք վերցնել, մենք չենք խախտում Բրեստի հաշտությունը, որովհետև անդրկովկասյան բանակը այնչի ճանաչում, որովհետև Կովկասը անկախ է»³:

¹ ЦГАОР и ЦС, ф. 1318, г. 619, л. 30:

² «Պրավդա», 1918, 16 մայիսի, № 94:

³ Վ. Ի. Լենին, Երկեր, հ. 27, էջ 162:

Օտարերկրյա իմպերիալիստների կամքով 1918 թ. մայիսի վերջին ստեղծվում են Վրաստանի, Ադրբեջանի և Հայաստանի «անկախ ռեսպուբլիկաները»: Մայիսի 28-ը դաշնակցական ամանտյուրիստների կողմից հայտարարվեց «անկախ Հայաստանի», հայկական պետականության «վերածննդի» օր: Դաշնակների և նրանց օտարերկրյա բազմաթիվ տերերի լծի տակ տառապող այդ «անկախ Հայաստանը» իր գոյության երկու և կես տարիների ընթացքում հասավ լիակատար քայքայման, իսկ հայ ժողովուրդը կանգնեց ֆիզիկական բնաջնջման սպառնալիքի առաջ: Դա Հայաստանի պատմության ամենամռայլ ժամանակաշրջաններից մեկն էր: Հայ ժողովրդի մեծ բաբեկամ Գ. Կ. Օրջոնիկիձեն 1918 թ. հոկտեմբերի 12-ին Վ. Ի. Լենինին և Ի. Վ. Ստալինին տված հեռագրում վերլուծելով Անդրկովկասի վիճակը հայտնում էր. «Հայաստանի դրությունը ողբերգական է: Երևանի նահանգի երկու գավառների փոքրիկ կտորի վրա կուտակվել են ավելի քան 600 հազար զաղթականներ, որոնք մասսայաբար կործանվում են սովից ու խուլերայից: Թուրքերը օկուպացված գավառներում մորթել են բնակչության կեսը... Հայ բնակչությունը օգնություն է սպասում Մովսեսի տական Ռուսաստանից»¹:

1919 թ. Հայաստանի արդյունաբերության համախառն արտադրանքը 1913 թ. համեմատությամբ կրճատվում է 12,2 անգամ, իսկ գյուղատնտեսության արտադրանքը՝ 5,8 անգամ: Հայաստանի բնակչության նվազումը 1919 թ. յուրաքանչյուր հազար հոգուն կազմում էր 195,5 մարդ: Դաշնակցականների տիրապետության շրջանում Հայաստանի այն ժամանակվա բնակչության մոտ մեկ երրորդը ոչնչացավ²:

Աննկուն ռեպուցիտներ Ս. Մուսայևյանը 1920 թ. հունիսի վերջին երևանի բանտից ՌԿ(Բ)Պ Կովկասյան երկրային Կոմիտեին գրած նամակում մերկացնելով դաշնակցական իրականությունը ասում էր. «Հայկական իրականության սպեցիֆիկ երևույթ հանդիսացող մաուզերիզմն իր ամենազարչելի ձևով այժմ իր զազաթնակետին է հասել: Երկրում կատարյալ ահարխիա է: Կողոպուտները, բռնությունները, հարբած խրախճանքները ամենօրյա և ամենասովորական երևույթներ են: Կառավարության ամեն մի գործակալ ունի մաուզերիստների իր խումբը, որոնց վրա նա հենվում է և որոնց հրամանները նա կատարում է: Երկրի իրական տերերը միմիայն մաուզերիստներն են: Նրանցից բացի ուրիշ ոչ ոք չէ ոչ մեկի ոչ կյանքը, ոչ գույքը և ոչ էլ պատիվը»:

Այսպիսի պայմաններում հայ ժողովրդի փրկության միակ ելքը Սովետական Ռուսաստանի օգնությամբ իր երկրում ևս Սովետական իշխանություն հաստատելու մեջ էր: Այդ բանում Հայաստանի բաժնորհները, ղինվորներն ու գյուղացիները համոզվեցին իրենց ազատագրական պայքարի պատմական փորձով: Տեսնելով ու զգալով Լիբոսպական զինվածազիտության, օտարերկրյա իմպերիալիստների և նրանց գործակալներ դաշնակների և մյուս բուրժուա նացիոնալիստական և մանրբուրժուական պարտիաների ու խմբերի քաղաքականության դառն հետևանքները, հայ ժողովուրդը 1918—1920 թթ. վերջնականապես ազատագրվելով նրանց ազդեցությունից, անարդանքի սյունի դամեց նրանց և համախմբվեց Կոմունիստական պարտիայի շուրջը, կանգնեց

¹ Դ. Կ. Օրջոնիկիձե. Статьи и речи, т. I, Москва, 1956, էջ 43:

² Տե՛ս. «Статистическое строительство Армянской ССР (1920—1940)». Статистический сборник, Ереван, 1940, էջ 23, 47:

Սովետական իշխանության դրոշի տակ, իր կործանվող նավի հուսալի հանգրվանը գտավ Սոցիալիստական Ռուսաստանի նավահանգստում:

Ռուսաստանի Կոմունիստական (բոլշևիկների) պարտիայի տեղական ջոկատները հանդիսացող Հայաստանի բոլշևիկյան կազմակերպությունները անձնվելու ու համարձակ կերպով ղեկավարում էին բանվորների, աշխատավոր գյուղացիության և զինվորների ռևոլյուցիոն ելույթները, որոնք նոր վերելք են ստրում Հայաստանում 1920 թվականին, և հասցնում Սովետական իշխանության հաղթանակին:

Կոմունիստական պարտիան և Սովետական կառավարությունը, անձամբ Վ. Ի. Լենինը մեծ ուշադրություն են նվիրում զաշնակցականների լծի տակ առապող հայ ժողովրդի փրկության գործին: Նրանց ցուցումներով Դ. Կ. Որջոնիկիձեն, Ս. Մ. Կիրովը և Ա. Ի. Միկոյանը ընդհատակյա աշխատանքի ղեկավար պայմաններում սխտեմատիկարար կապ են պահպանում Հայաստանի բոլշևիկների հետ, աջնտեղ են ուղարկում փորձված պարտիական աշխատողներ: Խնդիր դնելով ազգային կոմունիստական պարտիաների՝ որպես տեղերում միասնական պարտիայի անբաժան ու հավատարիմ ջոկատների ձևավորման մասին, Վ. Ի. Լենինը, ՌԿ(Բ)Պ Կենտկոմը մեծ ուշադրություն են նվիրում նաև Հայաստանի Կոմունիստական (բոլշևիկների) պարտիա ստեղծելուն: Այս ուղղությամբ կարևոր դեր կատարեց Հայաստանի կոմունիստների 1919 թ. սեպտեմբերյան խորհրդակցությունը, որի նախաձեռնողը ՌԿ(Բ)Պ Կովկասյան երկրային Կոմիտեն էր:

Հայաստանի կոմունիստական կազմակերպությունների առաջին խորհրդակցությունը տեղի ունեցավ Երևանում, անլեզալ պայմաններում, նախկին Ցարսկի փողոցի № 112 տանը (այժմ Սպանդարյան փողոց). մասնակցում էին պարտիայի 400 անդամների ներկայացուցիչներ: Այդ ժամանակ բոլշևիկյան կազմակերպություններն ամրապնդվել ու հաջողությամբ ղեկավարում էին բանվորների, գյուղացիների և զինվորների ռևոլյուցիոն ելույթները Երևանում, Ալեքսանդրոպոլում, Նոր Բայազետում, Դիլիջանում, Ղարաքիլիսայում, Ջալալօղլիում, Ջանգեղուրում, Շամշադինում, Իջևանում, Աշտարակում, Սարիգամիշում և Հայաստանի այլ վայրերում: Սակայն զաշնակցների և օտարերկրյա հետախույզությունների դաժան հետապնդումների պայմաններում ոչ բոլոր կազմակերպություններն էն հնարավորություն ունենում Երևան ուղարկել իրենց ներկայացուցիչներին: Խորհրդակցությունը ընտրում է Հայաստանի Կոմունիստական կազմակերպությունների ղեկավար կենտրոն՝ ՌԿ(Բ)Պ Հայաստանի Կոմիտե (Արմենկոմ), որի կազմում մտնում են Ա. Մոսավանը, Ս. Ալավերդյանը, Ս. Կասյանը, Ս. Խանոյանը, Ի. Շահվերդյանը, Ա. Մելիքյանը, Ղ. Ղուկասյանը:

Հայաստանի կոմունիստների 1919 թ. սեպտեմբերյան խորհրդակցությունը, սկիզբ դնելով Հայաստանի կոմունիստական կազմակերպությունների միավորմանը, խոշոր դեր կատարեց Հայաստանում Սովետական իշխանության հաղթանակի համար մղվող ռևոլյուցիոն պայքարի հետագա ծավալման գործում:

Խորհրդակցությունից հետո նրա մասնակիցներն ու ՌԿ(Բ)Պ Հայաստանի Կոմիտեի անդամները շրջագայում են Հայաստանի քաղաքներն ու գյուղերը, օգնում են կարգի գցելու պարտիական աշխատանքը, որը վերելք էր ապրում: Պարտիայի Հայաստանի Կոմիտեի ցուցումներով մի շարք տեղերում գումար-

վում են գավառային ու շրջանային պարտիական կոնֆերանսներ, ստեղծվում են պարտիական կոմիտեներ: Պարտիայի անդամների թիվը Հայաստանում հասնում է 700-ի:

1920 թ. սկզբին Սովետական Ռուսաստանը վճռական հաղթանակներ է տանում քաղաքացիական պատերազմի ուղղմանակառնություն: Ջախջախելով Դենիկինի բանդաներին, Կարմիր Բանակի զորամասերը հունվարին ազատա-
 ցում են Դոնի Ռուսսովը և մոտենում Անդրկովկասի սահմաններին: Սովե-
 տական Ռուսաստանի պատմական հաղթանակները ոգևորում ու պայքարի նոր
 եռանդ են տալիս Հայաստանի աշխատավորներին, որոնք կոմունիստական
 կազմակերպությունների ղեկավարությամբ ուժեղացնում են իրենց պայքարը
 դաշնակների դեմ՝ հանուն Սովետական իշխանության: Այս պայքարի հետագա
 կազմակերպման գործում խոշոր նշանակություն ունեցավ Հայաստա-
 նի բոլշևիկյան կազմակերպությունների առաջին կոնֆերանսը, որը տեղի
 ունեցավ 1920 թ. հունվարի 18—19-ը Երևանում: Նրան մասնակցում էին Հա-
 յաստանի գրեթե բոլոր քաղաքների և շրջանների՝ Երևանի, Ալեքսանդրոպոլի,
 Սարիղամիշի, Կարսի, Նոր Բայազետի, Ղազախ-Շամշադինի, Գիլիջանի,
 Ղոռու «Հեզոք զոնայի» պարտիական կազմակերպությունների ներկայացու-
 ցիչները: Ներկա էին 22 պատգամավոր, որոնք ներկայացնում էին պարտիայի
 1200 անդամի: Կոնֆերանսը քննարկում է քաղաքական դրություն, Հայաստանի
 պարտիական կազմակերպությունների կազմակերպական կառուցվածքի, լե-
 գալ կազմակերպություններում աշխատանքի, կոմունիստական երիտասար-
 դական կազմակերպությունների և այլ հարցեր:

Կոնֆերանսի ընդունած բանաձևում նշվում էր, որ Հոկտեմբերյան սոցիա-
 լիստական Մեծ ռեվոլյուցիան բաց է արել ճնշված ժողովուրդների ազատա-
 գրության ուղին, որը կտանի դեպի կոմունիզմի հաղթանակը: Մերկացնելով
 մենշևիկներին, դաշնակներին ու մուսավաթականներին, որոնք Վրաստանը,
 Հայաստանը և Ադրբեջանը անջատելով Սովետական Ռուսաստանից, ձգտում
 էին օտարերկրյա սվինների ուժով վերջ դնել Անդրկովկասում ծավալվող ռե-
 վոլյուցիոն շարժումներին, բանաձևը Հայաստանի կոմունիստական կազմակեր-
 պությունների առաջնաճիթ խնդիրն էր համարում կազմակերպել աշխատա-
 վոր մասսաների ռեվոլյուցիոն պայքարը դաշնակների դեմ և Սովետական Ռու-
 սաստանի օգնությամբ, դինված ապստամբության միջոցով Հայաստանում
 հաստատել Սովետական իշխանություն: «Քաղաքացիական պատերազմն
 քնդվեմ Հայաստանում տիրապետող դասակարգերի, այնպես ինչպես Վրաս-
 տանում ու Ադրբեջանում, և նրանց կողմից կազմակերպված դաշնակցական
 կառավարության, դաշնակների իշխանության բռնի, ռեվոլյուցիոն տապալու-
 մը՝ Հայաստանի կոմունիստական կազմակերպությունների առաջնահերթ խն-
 դիրն է: Միայն այդ նախապահով մենք կկարողանանք ամուր հիմք դնել Սո-
 վետական իշխանության համար, միայն այդ նախապահով է հնարավոր
 փրկել մասսաներին կործանումից...»¹:

Վերահիշյալ խնդիրները լուծելու համար կոնֆերանսն առաջարկում էր
 ամրապնդել կոմունիստական կազմակերպությունները, սերտորեն կապվել

¹ „Резолюция конференции коммунистических организаций РКП в Армении“
 Баку, 1920, 19-5:

բանվորական, գյուղացիական, զինվորական մասսաների հետ, ուժեղացնել աշխատանքը արհմիություններում, գյուղացիական կազմակերպություններում, բանակում:

Կարևոր նշանակություն ունեն կոնֆերանսի որոշումը՝ Հայաստանի պարտիական կազմակերպությունների կազմակերպչական կառուցվածքի մասին, որը ելնում էր ՌԿ(Բ)Պ Կոնոնագրությունից: Այս հարցի կապակցությամբ ընդունված որոշման մեջ նշվում էր, որ Կովկասի բոլոր պարտիական կազմակերպությունների ղեկավարը ՌԿ(Բ)Պ Կովկասյան ներկային Կոմիտեն է, իսկ Հայաստանի տերիտորիայում գտնվող բոլոր կազմակերպությունների ղեկավար օրգանը՝ ՌԿ(Բ)Պ Հայաստանի Կոմիտեն, որը ենթակա է պարտիայի Կենտրոնական և Կովկասյան ներկային կոմիտեներին: Պարտիական կազմակերպությունների հիմքը հանդիսանում էին պարտիական բջիջները՝ կազմաված առնվազն 5 անդամից: Նրանք կազմում էին քաղաքային և գյուղական տեղական կազմակերպություններ: Բջիջների թվին համապատասխան կոնֆերանսներում ընտրվում էին քաղաքային, շրջանային և ենթաշրջանային կոմիտեներ, ղավառներում՝ ղավառային կոմիտեներ, որոնք հրահանգ և միջոցներ էին ստանում ՌԿ(Բ)Պ Հայաստանի Կոմիտեից: Հայաստանի Կոմիտեն ղեկավարում էր պարտիական բոլոր կազմակերպությունների կազմակերպչական, քաղաքական, գաղափարական աշխատանքը:

Կոնֆերանսում ընտրվում է ՌԿ(Բ)Պ Հայաստանի Կոմիտեի նոր կազմ, որի մեջ մտնում են Ս. Ալավերդյանը, Ա. Մազյանը, Ս. Կասյանը, Բ. Շահվերդյանը, Ղ. Ղուկասյանը, Ա. Նուրիջանյանը, Ս. Մարտիրոսյանը, Ա. Գոգունյոր, Ս. Գրիգորյանը:

Կոնֆերանսը ողջուն է ուղարկում Ադրբեջանի, Վրաստանի, Պարսկաստանի և Տաճկաստանի կոմունիստական կազմակերպություններին, որի մեջ ասված էր. «Մեր նպատակն է Ադրբեջանի, Վրաստանի, Տաճկաստանի և Պարսկաստանի կոմունիստական կազմակերպությունների հետ միացյալ ուժերով դուրս բաշել բուրժուական-նացիոնալիստական կուսակցությունների հեղուկ, ինչպես «Դաշնակցության», «Մուսավաթի», մենշևիկների և թուրք նացիոնալիստների, բանվորա-գյուղացիական մասսաները, ֆրոնտ կազմել այդ երկրներում կոմունիստական հեղափոխության համար և մեծ կարմիր Խուսափող աշակերտությամբ խորտակելով «Անտանտի» բոլոր սև ու մութ ուժերը՝ անցնել մեր թշնամիների դիակների վրայով ու միանալ համաշխարհային մեծ ու խաղաղ կոմունիստական ընտանիքին»:

Հուլիսյան կոնֆերանսը ավարտում և ամրապնդում է Հայաստանի կոմունիստական կազմակերպությունների միավորման գործը մեկ ղեկավար օրգանի՝ ՌԿ(Բ)Պ Հայաստանի Կոմիտեի շուրջը և նրանց նպատակամղում ղեկի ղինված ապստամբություն:

Կոնֆերանսից հետո Հայաստանի բոլոր կազմակերպություններն իրենց աշխատանքի հիմքում դնում են դաշնակների և նրանց օտարերկրյա տերերի դեմ զինված ապստամբության նախապատրաստումը, որը պետք է սկսվեր Կարմիր Բանակի զորամասերի Հայաստանի սահմաններին մոտենալիս և նրանց օգնությամբ ավարտվեր սովետական կարգերի հաստատումով:

¹ «Новый мир», 1920, № 10.

1920 թ. դարնանը, երբ կարմիր Բանակի զորամասերը Հյուսիսային Կովկասում հաջողությամբ լիկվիդացնելով սպիտակ բանդաներին մոտենում են Անդրկովկասին, տեղական ժողովուրդների ներկայացուցիչները ղիմում են Սովետական Ռուսաստանին, օգնություն խնդրելով նրանից՝ բուրժուա-նացիոնալիստական կառավարությունների և օտարերկրյա զավթիչների լծից ազատագրվելու համար¹։

1920 թ. ապրիլի 28-ին կարմիր զորքերի ակտիվ օժանդակությամբ Ադրբեջանի ապստամբ աշխատավորությունը տապալում է ատելի մուսավաթականների և նրանց օտարերկրյա տերերի լուծը և Ադրբեջանում հաստատում Սովետական իշխանություն։ Նդբայրական ժողովրդի այս պատմական հաղթանակը բուռն խանդավառություն է առաջացնում Հայաստանի աշխատավորության մեջ, հզոր խթան է հանդիսանում ուսույցիտն շարժումների նոր վերելքի համար։ «Բաքուն ընկավ, հերթը Երևանինն է», — ասում էին նրանք։

Ռկ(ր)Պ Կովկասյան նրկրային և Հայաստանի կոմիտեների ղեկավարությամբ տեղական պարտիական կազմակերպությունները նախապատրաստում են մասսաներին վճռական գրոհի։ Այդ գրոհի ճանապարհին կարևորագույն ուսույցիտն իրադարձություն էին մայիսմեկյան ցույցերը, որոնք կազմակերպվեցին և անցկացվեցին բուլճարիկների ղեկավարությամբ։

1920 թ. հունիսի սկզբին Վ. Ի. Լենինին ուղարկած հեռագրում Խ. Կ. Սրջոնիկիձեն նշում էր, որ Մայիսի մեկը Հայաստանում անցավ բացառապես ՌկՊ կոմունիստական կազմակերպությունների լողունգներով, բանվորագյուղացիական մասսաների առաջ իշխանությունը գրավելու հարց ղրեց և վերածվեց ղինված ապստամբության։ Ապստամբության գրոհը առաջինը լարձրացրեց Ալեքսանդրոպոլը, որտեղ ընտրվեց Հայաստանի Ռազմա-ուսույցիտն կոմիտե²։ Ալեքսանդրոպոլին հետևեցին Կարսը, Սարիղամիշը, Նոր Բայաղետը, Ղազախ-Շամշաղինը, Ջանգեզուրը և այլ վայրեր։ Մոտ մեկ ամիս Հայաստանն ղնղղոված էր ապստամբության կռակով։ Կոմունիստներն ամենուրեք հանղես եկան որպես Հայաստանի աշխատավորության այդ պանծալի ելույթների կազմակերպիչներ և ղեկավարներ։

Դաշնակները, բլոկ կնքելով մյուս կոնտրուսույցիտն պարտիաների հետ, օտարերկրյա իմպերիալիստների հովանավորությամբ արյան մեջ խեղղեցին Հայաստանի բանղորների, գյուղացիների և ղինվորների հերոսական ապրտամբությունը հանուն Սովետական իշխանության։ Հերոսի մահով ղնկան անձնղեր ուսույցիտներներ, Կոմունիստական պարտիայի հովատարիմ ղավակներ Ս. Ալավերղյանը, Հ. Սարտիսանյանը, Բ. Ղարիբջանյանը, Ս. Մուսղելյանը, Ն. Սեյանը, Ղ. Ղուկասյանը, Բ. Հարությունյանը, Վ. Ալեքսեեր, Ն. Մկրտումյանը, Բ. Բատիկյանը և շատ ուրիշներ։ Դեռես այն ժամանակ Մայիսյան ապստամբությունը Հայաստանում ղնահատվեց որպես աշխատավոր մասսաների հերոսական ուսույցիտն-ազատողրական շարժում։ Հակառակ դաշնակների հերյուրանրների, ապստամբության մասին հիացմունքով ղրեցին ոչ միայն Ռուսաստանի և Անղրկովկասի, այլև արտասահմանյան շատ պրղղրեսիվ թերթեր։ Վրաստանի Կոմպարտիայի Կենտղոմի օրղան «Կոմունիստ Գրղղրի» թերթը Հայաստանի աշխատավորության մայիսյան ելույթներ

¹ Տե՛ս «Исторический вестник» (Тбилиси), 1955, № 8, էղ 240—241։

² Տե՛ս Գ. Կ. Օրղղոնկիձե. Ст. тьи и речи, т. 1, էղ 113—114։

որ ընտրողեց որպես «սլաշժառ էջ հայ ժողովրդի պատմության մեջ»¹, 1921 թ. Բուլղարիայի կոմունիստական պարտիայի հայկական խմբի օրգան «Կարմիր լուրեր» թերթը մայիսյան ապստամբության առաջին տարեդարձին նվիրված «խոնարհինք ինկած նահատակներուն առջև» առաջնորդողում գրում էր. «Կլխառկնիդ վար առեմ, պրոլետարներ»:

Ամբողջ խորհրդային Հայաստանը և աշխարհի վրա ցրված անոր բոլոր քաջ զավակները այս վեհ տարեկիցին խորապես կը խոնարհին նահատակներուն հիշատակին առջև: Այս խոնարհությունը մարդկային ամենաներկարատի կյանքեն ավելի կարժե:

Անոնք իրենց համար կարճ ապրեցան, բայց հավիտյան պիտի ապրին սերունդներու համար»²:

Մայիսյան ապստամբության հակիրճ, բայց խոր ու սպառիչ գնահատականը տվել է Ալ. Մյասնիկյանը 1921 թ. մայիսի 10-ի իր ելույթում. «խորհրդային իշխանության սկիզբը, — ասել է նա, — անցյալ տարվա մայիսյան ապստամբությունն է: Դեռ այն ժամանակ կարող էինք ասել, որ խորհրդային իշխանության հաղթանակը ապահովված է քանի կա աշխատավորություն: Երբի վրա խորհրդային իշխանությունը կարող էր հենվել երկու ոտքով:

Այսօր մենք ծունկ չուքենք Ալեքսանդրովի հերոսների առաջ: Նրանք արին այն, ինչ որ պիտի անեին: Դասեր պիտի առնենք Ալեքսանդրովի ապստամբությունից: Ամենազլիսավոր դուստր դա այն դիտակցությունն է, որ Հայաստանի աշխատավորության համար չկա փրկություն առանց խորհրդային իշխանության»:

Մայիսյան ապստամբության օրերին Հայաստանի աշխատավորները անցան քաղաքացիական պատերազմի հիանալի դպրոց, դասեր քաղեցին թույլ տրված սխալներից և կոմունիստական կազմակերպությունների ղեկավարությամբ շարունակեցին իրենց հերոսական պայքարը Սովետական իշխանության հաղթանակի համար: Այս պայքարի կազմակերպման ու հաղթական ավարտի դորժում անգնահատելի նշանակություն ունեցավ Հայաստանի Կոմունիստական (բոլշևիկների) պարտիայի կազմակերպական ձևավորումը, որը տեղի ունեցավ պարտիայի Կենտրոնական Կոմիտեի որոշմամբ ու ղեկավարությամբ 1920 թ. ամռանը:

Պարտիայի որոշումներին լիովին համապատասխան 1920 թ. փետրվարին ստեղծվել էր Ադրբեջանի Կոմունիստական (բոլշևիկների) պարտիան, որն անմիջականորեն զլխավորեց սովետական կարգերի հաղթանակը Ադրբեջանում: 1920 թ. ապրիլին ՌԿ(Բ)Պ Կովկասյան Երկրային Կոմիտեի փոխարեն ստեղծվել էր պարտիայի Կենտկոմի Կովկասյան Բյուրո, որի աշխատանքները անմիջականորեն զլխավորում էր Ս. Օրջոնիկիձեն: 1920 թ. մայիսի վերջին Թիֆլիսում գումարվում է Վրաստանի և Հայաստանի պարտիական կազմակերպությունների խորհրդակցություն, որտեղ որոշվում է Վրաստանի և Հայաստանի սահմաններում գործող պարտիական կազմակերպությունները միավորել իրրև առանձին կոմունիստական պարտիաներ, ՌԿ(Բ)Պ անբաժան մասեր՝ ենթակա կովկասյան ընդհանուր պարտիական կենտրոնին: Պարտիա-

¹ «Կոմունիստ Գրուզի» 1920, 29 հոկտեմբերի, № 9:

² «Կարմիր լուրեր» (Ֆիլիպե), 1921, 26 հունիսի:

³ «Կոմունիստ» (Երևան), 1921, 13 մայիսի, № 82:

յի Կենտկոմը և նրա Կովկասյան Բյուրոն 1920 թ. ամռանն ու աշնանը բազմիցս քննարկեցին երկու եղբայրական կոմպարտիաների ստեղծման, նրանց խնդիրների, ղեկավար օրգանների հարցը, օգնեցին նրանց ամրապնդվելու¹:

Պարտիայի ղեկավարությամբ լայն աշխատանք է ծավալում Հայաստանի կոմերիտմիությունը: Ամռանը ստեղծվում է Հայաստանի բանվորա-գյուղացիական երիտասարդության Կենտրոնական կազմըյուրո, որի կազմում մտնում են Ա. Խանջյանը, Ա. Բուզադյանը և ուրիշներ:

Վրաստանի Կ(Բ)Պ-ն և Հայաստանի Կ(Բ)Պ-ն, ինչպես դրանից առաջ Ադրբեջանի Կ(Բ)Պ-ն ձևավորվեցին որպես լենինյան պարտիայի հավատարիմ ու անբաժան ջոկատներ, լիովին համապատասխան պարտիական շինարարության լենինյան գծին: Հայ ժողովրդի կյանքում սլատմական նշանակություն ունեցող այս կարևորագույն հարցում Հայաստանի բոլշևիկները միահամուռ ցույց տվին իրենց համախմբվածությունը Վ. Ի. Լենինի, պարտիայի Կենտկոմի շուրջը, նրանք ամենայն վճռականությամբ և հետևողականությամբ մերժեցին այն ընկերների միանգամայն սխալ ու վնասակար տեսակետը, որոնք հակառակ պարտիայի VIII համագումարի ուղղակի ցուցումներին կանգնած էին ինքնուրույն կոմունիստական պարտիաների ֆեդերացիա ստեղծելու տեսակետի վրա:

Դաշնակցական դաժան տևողորի պայմաններում, երբ բարբարոսաբար հայաժվում էր ամեն մի ռեուլյուցիոն ելույթ, Հայաստանի բոլշևիկների մի զգալի մասը շարունակում էր իր գործունեությունը Բաքվում: Այնտեղ էր գտնվում Հայաստանի կոմպարտիայի Կենտկոմի արտասահմանյան բյուրոն, որը Ադրբեջանի կոմունիստների օգնությամբ ստեղծում է հրատարակչություն, սլարտիական դպրոց և սերտ կապեր պահպանելով Հայաստանի ընդհատակում աշխատող կոմունիստների հետ, ուղղություն էր տալիս նրանց աշխատանքին: Հայաստանի պարտիական կազմակերպության ներկայացուցիչները հաճախակի լինում էին Բաքվում, ակտիվ մասնակցություն են ունենում սեպտեմբերին տեղի ունեցած Արևելքի ժողովուրդների առաջին համագումարին, Հայաստանի կոմունիստական կազմակերպությունների Բաքվում գումարված կոնֆերանսին, որոնք խոշոր նշանակություն ունեցան ռեուլյուցիոն ուժերի մոթիլիզացման գործում:

1920 թ. աշնանը նոր վճռական հաղթանակներ տանելով քաղաքացիական պատերազմի ռազմաճակատներում պարտիայի Կենտրոնական կոմիտեն և Սովետական կառավարությունը մի շարք միջոցառումներ են կիրառում ամբողջ Անդրկովկասում Սովետական իշխանության հաղթանակն ապահովելու, հայ ժողովրդին ծանր վիճակից փրկելու համար: Պարտիայի Կենտկոմի, ինչ-

¹ Հայաստանի կոմունիստական (բոլշևիկների) պարտիայի կազմակերպական ձևավորման հետ կապված մի շարք հարցերի լուծման համար կարևորագույն նշանակություն ունի նրա հիմնադիրներից մեկի, պարտիայի հնագույն գործիչ Ա. Մուսվյանի «Ե՞րբ և ինչպես է հիմնադրվել Հայաստանի կոմունիստական (բոլշև.) կուսակցությունը» հոդվածը: Որը տպագրվել է «Սորհրդային Հայաստան» թերթի 1923 թ. մայիսի 30-ի և հունիսի 1-ի համարներում (№№ 114, 116), 1928 թ. այն տպագրվել է առանձին բրոշյուրով, իսկ 1930 թ. վերահրատարակվել է «Լենինի Մուսվյանի հոդվածների, հիշողությունների ժողովածու» գրքում:

պես նաև նրա Կովկասյան Բյուրոյի ու Ադրբեջանի Կ(Բ)Պ քաղբյուրոյի նիստերում բազմիցս քննարկվում է Հայաստանում ստեղծված դրության հարցը։ Հայաստանի աշխատավորությանն օգնություն կազմակերպելու նպատակով հոկտեմբերին Վ. Ի. Լենինի մանդատով Երևան է դալիս ՌՍՖՍՌ-ի լիազոր ներկայացուցիչ Բ. Վ. Լեզրանը հատուկ միսիայով, որի մեջ մտնում էին նաև ին կոմունիստներ Ս. Տեր-Գարրիելյանը և Ա. Հովհաննիսյանը։

1920 թ. նոյեմբերի 29-ին Իջևանի և Դիլիջանի աշխատավորությունը Կոմունիստական պարտիայի ղեկավարությամբ զինված ապստամբություն է բարձրացնում, ստեղծվում է Հայաստանի մազմա-ռևոլյուցիոն կոմիտե, որը հռչակելով նոր Սովետական Սոցիալիստական Ռեսպուբլիկայի ծնունդը՝ պիմում է Վ. Ի. Լենինին իրենց ռազմական օգնություն ցույց տալու համար։ Հերոսական XI Կարմիր Բանակի զորամասերը մտնում են Հայաստան և ապստամբների հետ միասին հյուսիսից շարժվում Երևան։ Դեկտեմբերի 2-ին Դ. Կ. Օրջոնիկիձեն հեռագրով հայտնում է Մոսկվա Վ. Ի. Լենինին և Ի. Վ. Ստալինին. «Հենց նոր Երևանից հաղորդում ստացվեց, որ Երևանում հռչակվել է Սովետական իշխանություն, հին կառավարությունը վերացվել է...»¹։

Վ. Ի. Լենինը անմիջապես ջերմորեն ողջունում է Հայաստանի աշխատավորությունը իրենց երկրում սովետական կարգեր հաստատելու կապակցությամբ։ Դեկտեմբերի 2-ին, Երևան, Ռազմա-ռևոլյուցիոն կոմիտեի նախագահ Սարգիս Կասյանի անունով տված հեռագրում Վ. Ի. Լենինը գրում էր. «Հանձին Ձեզ ողջունում եմ իմպերիալիզմի ճնշումից ազատագրված աշխատավորական Սովետական Հայաստանին։ Ձեզ կասկածում, որ Դուք կգործադրեք բոլոր ջանքերը՝ Հայաստանի, Թուրքիայի, Ադրբեջանի աշխատավորների և իջևանից եղբայրական համերաշխություն հաստատելու համար»։

Ազատագրված Հայաստանի քաղաքներում ու գյուղերում գումարված խանդավառ միտինգներում հայ ժողովուրդն իր երախտագիտության առաջին խոսքն ուղղում է Կոմունիստական պարտիային, Սովետական Ռուսաստանին, ժողովուրդների հանձարեղ առաջնորդ Վ. Ի. Լենինին։ 1920 թ. դեկտեմբերի սկզբին բոլշևիկների ղեկավարությամբ Երևանում գումարված բազմահազար աշխատավորների միտինգը Վ. Ի. Լենինին ուղարկած ուղղության հեռագրում ասում էր. «Նիստ ու կուռ շարքերով համախմբվելով Կոմունիստական կարմիր զորախմբի շուրջը, աշխատավորությունը հանձին Ձեզ՝ ողջունում է Հոկտեմբերյան հեղափոխության առաջնորդին, հեղափոխություն, որի ալիքները խորտակելով և ոչնչացնելով բոլոր արգելքները հասան հեռավոր Հայաստանին»²։ Այնուհետև նրանք նշում էին, որ մտնելով սովետական ռեսպուբլիկաների պրոլետարական բնտանիքի մեջ իրենք հետևում են Հոկտեմբերյան ռևոլյուցիայի օրինակին և սովորելով ռուս բանվորների մեծ փորձից, աշխատավորական Ռուսաստանի ու Ադրբեջանի օրինակով ու օգնությամբ համարձակ ու անվախ կզնան դեպի ապագան՝ լիահույս, որ աշխատանքը կհաղթի կապիտալին։

Դաշնակների և նրանց օտարերկրյա տերերի դաժան լծից Հայաստանի ազատագրմամբ հաղթականորեն ավարտվում է ներքին կեղեքիչների և օտար-

¹ Գ. Կ. Օրդժոնիկիձե, Статьи и речи, т. I, էջ 142։

² Վ. Ի. Լենին, Երկեր, հ. 31, էջ 330։

³ «Կոմունիստ», 1920, № 8։

երկրյա բազմաթիվ նվաճողների դեմ հայ ժողովրդի մղած երկարատև ու հերոսական պայքարը, հիմք է դրվում Հայկական Սովետական Սոցիալիստական Ռեսպուբլիկային, սկսվում է հայ ժողովրդի վերածննդի, ազատ ու անկախ կյանքի նոր դարաշրջանը:

Սովետական իշխանության հաղթանակից հետո Հայաստանի Կոմունիստական պարտիան և Սովետական կառավարությունը օգտագործելով Սովետական Ռուսաստանի սոցիալիստական շինարարության փորձը, ռուս մեծ ժողովրդի եղբայրական օգնությամբ, պարտիայի Կենտրոնական Կոմիտեի և անձամբ Վ. Ի. Լենինի ցուցումներով ձեռնամուխ են լինում ժողովրդական տնտեսության վերականգնմանն ու սոցիալիստական վերակառուցմանը: Այս մեծ գործի իրականացման համար անգնահատելի նշանակություն է ունենում Վ. Ի. Լենինի 1921 թ. ապրիլի 14-ի նամակը «Աղրբեջանի, Վրաստանի, Հայաստանի, Դաղստանի, Լեռնականների ռեսպուբլիկայի կոմունիստ ընկերների»¹, որում տրված է ամբողջ Կովկասի կոմունիստների համար հետագա գործունեության մի ամբողջ ծրագիր: Կատարելով Վ. Ի. Լենինի իմաստուն ցուցումները, Անդրկովկասի բոլշևիկները լայն աշխատանք ծավալեցին ժողովուրդների եղբայրական դաշինքն ամրապնդելու, Աղրբեջանի, Վրաստանի և Հայաստանի տնտեսական ու քաղաքական զարգացման համար: Այդ ուղղությամբ մեծ դեր կատարեց Վ. Ի. Լենինի նախաձեռնությամբ 1922 թ. ըստեղծված Անդրկովկասյան Ֆեդերացիան: Լենինյան ազգային քաղաքականության պատմական խոշոր հաղթանակն էր ՍՍՌՄ-ի ստեղծումը, որի կազմում մյուս եղբայրական ռեսպուբլիկաների հետ միասին մտավ նաև իրավահավասար ու սուվերեն Հայկական ՍՍՌ-ն, որի ուժն ու հզորությունը միասնական Սովետական սոցիալիստական պետության մեջ է, Կոմունիստական պարտիայի իմաստուն ղեկավարության մեջ: Մարգարեակա՛ն, են մեծ Լենինի խոսքեր լայն մասին, որ «Սովետների մեր սոցիալիստական ռեսպուբլիկան հաստատուն կերպով կանգնած է մնալու բոլոր աշխատավոր մասսաների առաջնորդ և միջազգային սոցիալիզմի ջահ և որպես օրինակ»²:

Սովետական իշխանության տարիներին, մեր երկրի զարգացման բոլոր էտապներում Հայաստանի կոմունիստական կազմակերպությունները ղեկավարվելով պարտիայի որոշումներով պատվով են կատարել իրենց առաջ դրված խնդիրները: Երկրի ինդուստրացման և գյուղատնտեսության կոլեկտիվացման ասպարեզում պարտիայի քաղաքականության հաղթանակը, կուլտուրական ռևոլյուցիան արմատական վերափոխումներ առաջացրին հայ ժողովրդի տնտեսական ու հասարակական-քաղաքական կյանքում: Մեր հայրենիքին սպառնացող ահեղ վտանգի տարիներին, երբ դերմանա-ֆաշիստական զավթիչները ուզում էին հետ շրջել պատմության անիվը, զրկել սովետական ժողովրդին իր մեծ նվաճումներից, Հայաստանի աշխատավորությունը ՍՍՌՄ ժողովուրդների մեծ ընտանիքում զենքը ձեռքին հանդես եկավ օտար երկրյա զավթիչների դեմ: Հայաստանի աշխատավորները և՛ ռազմաճակատում, և՛ թիկունքում անմահ սխրագործություններ կատարեցին: 1941-1945 թթ. Հայրենական Մեծ պատերազմի տարիներին 106 հայ ռազմիկներ զոհվեցին Սովետական Միության հերոսներ, իսկ հայ ժողովրդի 60 զավակներ

¹ Տե՛ս Վ. Ի. Լենինի, Երկեր, հ. 33, էջ 402-404:

² Նույն տեղում, հ. 26, էջ 578:

շնորհիվ եղ գեներալական բարձր կոչումներ։ Ռազմաճակատում մարտական սխրագործությունների համար 66 802 հայ ռազմիկներ, իսկ թիկունքում անձնվեր աշխատանքի համար 376 038 մարդ արժանացան կառավարական շքանշանների ու մեդալների։

Հայրենական Մեծ պատերազմի հաղթական ավարտումից հետո Հայաստանի կոմունիստական պարտիան ղեկավարեց ռեսպուբլիկայում ժողովրդական տնտեսության վերականգնման և հետագա զարգացման, կոմունիզմի կառուցման համար մղվող պայքարը։ Կատարելով պարտիայի XX և XXI պատմական համագումարների որոշումները ռեսպուբլիկայի աշխատավորները հասան ժողովրդական տնտեսության և կուլտուրայի հուժկու վերելքի։

Ինչպես ամբողջ Սովետական Միությունը, այնպես էլ Սովետական Հայաստանը նոր ու էլ ավելի մեծ նվաճումներ ձեռք կբերեն յոթնամյա պլանի հաջող կենսագործման հետևանքով, որը մի խոշոր քայլ կլինի կոմունիզմի նյութա-տեխնիկական բազայի ստեղծման, ռեսպուբլիկայի էկոնոմիկայի հետագա ծաղկման ճանապարհին։

Սովետական հզոր հայրենիքի անբաժան մասը կազմող Սովետական Հայաստանը ամբողջ հայ ժողովրդի հպարտությունն է, նրա լավագույն երազների իրականացումը։ Հայաստանի կոմունիստական պարտիան, որպես ՍՄԿՊ-ի մարտական ջոկատներից մեկը այժմ ավելի ու ավելի է համախմբում հայ ժողովրդին լենինյան փառապանծ պարտիայի շուրջը, հարազատ Սովետական կառավարության շուրջը, մոբիլիզացնում է նրանց ուժերը հաջողությամբ կատարելու և գերակատարելու 7-ամյա պլանի հոյակապ խնդիրները մեր երկրում կոմունիզմի կառուցման համար։

ОБРАЗОВАНИЕ КОММУНИСТИЧЕСКОЙ ПАРТИИ АРМЕНИИ И ПОБЕДА СОВЕТСКОЙ ВЛАСТИ В АРМЕНИИ

Г. Б. ГАРИБДЖАНИЯН

(Р е з ю м е)

Армянский народ вместе со всеми народами Советского Союза в условиях большого политического и трудового подъема встретил сорокалетие со времени образования Коммунистической партии Армении и установления Советской власти в стране. В статье показано, что эти огромной исторической важности события были подготовлены всем ходом революционного движения в России. После большой организационной работы, вслед за сентябрьским совещанием 1919 г. и январской конференцией 1920 г., большевистские организации Армении решением ЦК РКП(б) летом 1920 г. организационно оформились как Коммунистическая партия Армении. КПА была создана в полном соответствии с ленинской интернациональной линией в партийном строительстве, как составная, неотъемлемая часть ленинской партии, одним из ее боевых отрядов.

Кавказское бюро ЦК РКП(б), коммунистические партии Азербайджана и Грузии оказывали большую помощь Коммунистической партии

Армении в укреплении ее рядов, в успешном руководстве революционным движением в Армении.

Организационное оформление Коммунистической партии Армении имело огромное значение для армянского народа, для его борьбы против дашнаков и их иноземных хозяев, для установления и упрочения Советской власти в Армении. Коммунистическая партия указывала единственно правильный путь освобождения армянского народа и возглавила его борьбу за счастливое будущее.

Советская Армения — детище Великой Октябрьской социалистической революции. Образование 29 ноября 1920 г. Армянской Советской Социалистической Республики явилось победоносным завершением долгой и героической борьбы армянского народа против внутренних эксплуататоров и многочисленных иноземных захватчиков. Эта историческая победа одержана кровью лучших сынов армянского народа и в первую очередь коммунистов.

В. И. Ленин внимательно следил за событиями в Армении. РСФСР оказывала Советской Армении огромную материальную помощь.

За 40 лет Советской власти Армения из отсталой и нищей страны превратилась в передовую социалистическую республику. Всеми своими достижениями, своей свободной, счастливой жизнью армянский народ обязан великой и мудрой Коммунистической партии, гениальному вождю трудящихся всего мира В. И. Ленину. В могучей братской семье советских народов трудящиеся Армении под руководством Коммунистической партии отдают все свои силы великому делу построения коммунизма в Советской стране.